



Komiti ya Phothefolio ya Basadi, Baswa le Batho ba go se Itekanele e laetša maloko a setšhaba le mekgatlo go kgetha batho ba go ba le maswanedi a go thwalwa Khomišeneng ya tša Tekatekano ya Bong bjalo ka Bakhomisenare go ya ka Molao wa tša Tekatekano ya Bong, 2013. Batho ka moka ba go dira dikgopelo ba swanetše go tlatša foromo ya google weposaeteng ya Palamente <https://forms.gle/L8kYFioMup8vxVs46> goba ba diriše WhatsApp go 083 709 8472. Bakgopedi ka moka le bakgethiwa ba swanetše go romela dikhophi tša Pukwana ya Boitsebišo (ID) le mangwalo a dithuto a go kgonthišwa ka sekibo sa go laetša letšatšikgwedi la go se fete dikgwedi tše 6.

Lenaneo la bakgethiwa bao ba fetilego legato la mathomo la tlhokolo le ditokomane tša go laetša mangwalo a dithuto le mabokgoni di tlo phatlalatšwa weposaeteng ya Palamente go dumelela maloko a setšhaba go swayaswaya ka ga maswanedi a bakgethiwa. Kutullo ya tshedimošo ya bomotho ya bakgethiwa e tla sepedišwa ka tsela ya semolao le go bolokwa ka go šireletšwa. Bakgethiwa ka moka bao ba fetilego legato la mathomo la tlhokolo ba lekolwa ke Eitšensi ya Tshireletšo ya Mušo pele ba thwalwa gomme mangwalo a bona a dithuto a kgonthišwa ke Ofisi ya tša Thwalo Palamenteng. Dikgopelo ka moka di tlo latela Molao wa Tshireletšo ya Tshedimošo ya Bomotho wa Nomoro 4 wa 2013, le Molao wa Tekatekano go tša Thwalo wa Nomoro 55 wa 1998.

Mopresidente o tla, ka tigelo ya Palamente, thwala leloko la Khomisene sebaka sa ofisi sa go se fete mengwaga ye mehlano. Maloko a Khomisene a ka thwala sammaruri goba ka dinako tše itšego. Motho ofe goba ofe, yoo e lego gore sebaka sa gagwe ka ofising ya Khomisene se fedile, a ka thwala gape sebakeng sa tlaleletšo.

Bakgethiwa ba swanetše go ba badudi ba Afrika Borwa ba go ba le maswanedi a go thwalwa Khomisneneng ebile e le baemedi ba setšhaba sa Afrika Borwa ka kakaretšo, ba be le rekhote ya boikgafo kgodišong ya tekatekano ya bong gomme ba be le tsebo ya le maitemogelo mererong ya go amana le ditho tša Khomisene.

Dikgetho di be le maina ka bottlalo, aterese/aterese ya emeile le dintilha tša kgokagano tša motho goba mokgatlo wa go kgetha, taetšo ya go dumela go kgethwa ye e saennwego ke mokgethiwa go akaretšwa le mokgethi.

Foromo ya kgopelo le ditokomane tša maleba di ka swaiwa gore di ya go Modulasetulo le go aterese ye e latelago:

Mdi CN Ndaba, LP

Modulasetulo wa Komiti ya Phothefolio ya Basadi, Baswa le Batho ba go se Itekanele c/o: Mdi N Nobatana,

Mongwaledi wa Komiti: Komiti ya Phothefolio ya Basadi, Baswa le Batho ba go se Itekanele

90 Plein Street, 3rd Floor, Parliament, 8001

Letšatši la mafelelo la go amogela dikgopelo ke la 07 February 2024.

Dipotšišo: Moh Neliswa Nobatana (Mongwaledi wa Komiti), sele: 083 709 8472, emeile: cgenominations@parliament.gov.za (dikgetho fela)

Taletšo ka Mdi CN Ndaba, LP, Modulasetulo wa Komiti ya Phothefolio ya Basadi, Baswa le Batho ba go se Itekanele